

BE.357. SONGON URSA NA BINURU (G=1)

=====

B.E. 357. SONGON URSA NA BINURU

1. Songon ursa na binuru Mauas di aek tabar i
Songon i do au mangido Naeng solhot tu Tuhanki.
Holan Ho, Debatangki do huhauashon i
Ai andigan idaonku BohiMi ale Tuhanku

2. Iluilu ni matangku Do hupangan sai tongtong
Ala sai didok musungku Tung di dia Debatam ?
Jala maras rohangki Mingot parmasuhonki
Ro di girgir ni endengku Lao tu joro ni Tuhanku.

3. Tungkimi, ale tondingku Tung beasa rusak ho ?
Sai haposi Debatamu Ai paluaonNa do
Ho na marsak i nuaeng Las roham muse dibaen
Asa tong pasangaponmu Goar ni partuaonmu.

4. Sai manangkap do rohangku Di na mangandungi au
Jordan do habuanganku Dohot Hermon na sai dao
Songon aek sampuran i Tinggang tu tondolan ni
Songon i do martinggangan Tu au angka pangunjunan

5. Diparbaga Debatangku Asi ni rohaNa i di au ,
Jadi las rohangku Molo sai huingot i
Borngin nang arian pe Huendehon do sude
Dengganbasa ni Jahowa Na manolong naposona.

6. O partanobatoanku Ndang be ingotonmu au ?
Ai lam ganda do arsakku Diinsahi musu au
Ai holiholingku pe Naung magopu do sude
Ala sai didok musungku Tung di dia Debatamu ?

7. Tungkimi, ale tondingku Tung beasa rusak ho ?
Sai haposi ma Tuhanmu Ndang tadingkononNa ho
Pujionku do muse Tuhan Debata dope
Hatuaon ni bohingku Na tongtong naeng haposanku